



Adran Ieithoedd Modern

Llawlyfr Myfyrwyr

Rhaglenni Israddedig

2023/24

Cynnwys

Croeso	5
Adran A: Cyflwyniad.....	6
Diben y llawlyfr.....	6
Cydraddoldeb ac Amrywioldeb	6
Dyddiadau Pwysig	7
Adran B: Gwybodaeth am yr Adran	8
Cyfathrebu rhwng y Brifysgol a myfyrwyr.....	8
Presenoldeb a Chynnydd Academaidd.....	8
Cwrdd â'r staff.....	9
Tiwtoriaid Personol	9
Coleg Cymraeg Cenedlaethol.....	9
Astudio drwy Gyfrwng y Gymraeg.....	10
Cyflwyno Aseidiadau trwy gyfrwng y Gymraeg	10
Canolfan Gwasanaethau'r Gymraeg.....	11
Cyflogadwyedd	11
Cyfleoedd i Astudio neu i Weithio Dramor	12
Eich Llais: Casglu Adborth Myfyrwyr.....	12
Holiaduron Gwerthuso Modiwl	13
Dy Lais ar Waith	13
Pwyllgor Ymgynghorol Staff a Myfyrwyr.....	14
Adran C: Cofrestru a'ch Rhaglen	14
Cofrestru	14
Cyfrifoldebau Fisâu Myfyrwyr.....	15
Strwythurau Cynlluniau a Manylebau Rhaglenni	15
Gwybodaeth ynghylch modiwlau	16
Amserlen Academaidd.....	16

Adran D: Asesu ac Adborth	16
Blackboard / Adnoddau E-Ddysgu	16
Dulliau Asesu	17
Cyflwyno Gwaith Cwrs a Dyddiadau Cau	18
Absenoldeb o Arholiadau	18
Ceisiadau am Estyniad	19
Amgylchiadau Arbennig	19
Trefniadau Marcio a Chymedroli	20
Meini Prawf Marcio	20
Adborth	20
Arholwyr Allanol	21
Ymddygiad Academaidd Annerbyniol	22
Ymarfer academaidd a chymorth astudio	24
Llyfrgelloedd	24
Cymorth pwnc	25
Canllawiau astudio a hyfforddiant sgiliau	25
Sgiliau ar gyfer Dysgu	26
Sgiliau Digidol	26
Y Ganolfan Saesneg Ryngwladol	27
Adran E: Rheolau Cynnydd a Chonfensiynau Arholiadau.....	27
Rheolau Cynnydd a Chonfensiynau Arholiadau	27
Beth i'w wneud os aiff pethau o chwith	28
Ailsefyll.....	28
Trefn Apeliadau Academaidd i Israddedigion ac Uwchraddedigion a Ddysgir trwy Gwrs	29
Y Weithdrefn Gwyno i Fyfyrywyr.....	30
Adran F: Cymorth Myfyrywyr a Gwasanaethau Lles.....	30

Canolfan Croesawu Myfyrwyr	30
Y Gwasanaeth Cyngor, Gwybodaeth ac Arian.....	30
Y Gwasanaeth Hygyrchedd	31
Gwasanaethau Lles Myfyrwyr	31
Y Swyddfa Denu Myfyrwyr a Datblygu Rhyngwladol	32
Cyngor ar Fisas a Mewnfudo	32
Wythnos Un Byd	32
Darpariaeth Halal.....	33
Mannau aml-ffydd ac ystafell weddio.....	33
Gwasanaeth Cyngor Undeb y Myfyrwyr.....	33
Cymorth Llety.....	33
Cynorthwywyr Preswyl.....	34
Adran G: Gwybodaeth y Brifysgol.....	34

Ymwadiad

Dylid darllen y llawlyfr hwn ar y cyd â'r Llawlyfr Ansawdd Academaidd (Rhan A: Polisiâu a Gweithdrefnau a Rhan B: Rheoliadau) <https://www.aber.ac.uk/cy/academic-registry/handbook>. Rhoddir blaenoriaeth i'r cyhoeddiadau hyn ymhob achos, ac nid oes unrhyw ran o'r llawlyfr hwn yn eu disodli. Gwneir pob ymdrech i sicrhau bod cynnwys y llawlyfr hwn yn gywir ac yn gyfredol. Er hynny, mae'r Brifysgol yn cadw'r hawl i addasu neu ddiweddarau'r llawlyfr yn ystod y flwyddyn academaidd. Mae'n annhebygol y bydd unrhyw newidiadau, ond mewn achos o'r fath fe gewch wybod amdanynt gan eich adran academaidd.

Croeso

Croeso (nôl). Darllenwch a chadwch y llyfryn hwn. Mae'n ffynhonnell bwysig i holl fyfyrwyr yr adran gyfeirio ati. Mae'n cynnwys gwybodaeth hanfodol am ofynion yr adran. Bydd gwybod a chadw at y gofynion yn sicrhau y gallwn oll osgoi'r pryder sy'n deillio o gamddealltwriaeth neu beidio â gwybod beth sy'n ddisgwyliedig.

Mae'r Adran a'r Brifysgol yn cydnabod eich bod yn buddsoddi llawer o'ch amser a'ch arian yn astudio yma. Rydym ni'n cynnig y cyfle i chi fanteisio ar gymorth dysgu a chyfleusterau rhagorol i'ch galluogi i gyflawni eich potensial, ond cofiwch, i raddau helaeth, y bydd eich llwyddiant yn dibynnu ar yr hyn y byddwch chi'n ei roi i'ch astudiaethau. Mae presenoldeb rheolaidd a chyflwyno gwaith cwrs yn brydlon yn allweddol. Wrth gwrs, rydym ni hefyd am i chi fwynhau eich cyfnod yma yn Aberystwyth ac yn gobeithio y byddwch yn manteisio'n llawn ar y clybiau cymdeithasol a'r cyfleusterau chwaraeon niferus sydd ar gael, heb sôn am y wlad a'r arfordir hyfryd o'n cwmpas. Dyma ddymuno blwyddyn hapus a llwyddiannus i bob un ohonom.

Yr Athro Louise Marshall,

Pennaeth yr Ysgol Ieithoedd a Llên

Adran A: Cyflwyniad

Diben y llawlyfr

Diben y llawlyfr hwn yw rhoi gwybodaeth allweddol i chi am eich astudiaethau, ac am bolisiâu a gweithdrefnau'r Brifysgol. Nid canllaw cynhwysfawr mohono, ond bydd yn rhoi rhywfaint o'r wybodaeth hanfodol y bydd ei hangen arnoch i gael gyrfa academaidd lwyddiannus a difyr yma ym Mhrifysgol Aberystwyth.

Mae rhagor o wybodaeth i gyd-fynd â'r llawlyfr hwn ar gael ar wefan y Brifysgol:

<https://www.aber.ac.uk/cy/student/>.

Mae ein Siarter Myfyrwyr yn amlinellu ein cyd-gyfrifoldebau a'n dyheadau. Mae ar gael yma: <https://www.aber.ac.uk/cy/student/charter/>.

Cyhoeddir llawlyfr newydd i'r myfyrwyr bob blwyddyn academaidd sy'n cynnwys y wybodaeth ddiweddaraf. Rydym yn gobeithio y bydd yr wybodaeth hon yn ddefnyddiol i chi. Os hoffech wneud sylwadau am gynnwys y llawlyfr, neu ynglŷn â sut i wella'r wybodaeth a ddarperir, mae croeso i chi eu hanfon drwy ebost i'ch adran academaidd. Defnyddir y term cyffredinol 'adran academaidd' trwy gydol y llawlyfr hwn, ond mae'n bosibl y bydd 'adran', 'athrofa' neu 'ysgol' yn cael ei ddefnyddio fel teitl ffurfiol ar gyfer adran.

Os oes gennych gwestiynau neu os dymunwch eglurhad pellach am reolau a rheoliadau'r adran, cysylltwch â ni: modernlangs@aber.ac.uk.

Dylai myfyrwyr gofio y bydd Rheolau a Rheoliadau'r Brifysgol mewn grym bob amser, boed yn ystod y tymor neu yn ystod y gwyliau: <https://www.aber.ac.uk/cy/academic-registry/handbook/regulations/>

Cydraddoldeb ac Amrywioldeb

Mae Prifysgol Aberystwyth wedi ymrwymo i ddatblygu a hybu cydraddoldeb ac amrywioldeb ym mhob agwedd ar ein hymarfer a'n gweithgareddau. Ein nod yw gweithio, astudio, a darparu diwylliant cynhwysol heb wahaniaethu, ac arddel gwerthoedd parch, urddas a chwarteisi. Mae gan bawb yr hawl i gael eu trin yn unol â'r gwerthoedd hyn.

Rydym yn ymroddedig i hybu cydraddoldeb ar sail oedran, anabledd, rhyw a chyfeiriadedd rhywiol, hil, hunaniaeth ryweddol, crefydd a chred (gan gynnwys anghrediniaeth), priodas a phartneriaeth sifil, beichiogrwydd a mamolaeth, ac i groesawu aml-hunaniaeth a chodi ymwybyddiaeth ar draws gwahanol grwpiau.

Mae'r [Cod Urddas a Pharch y Myfyrwyr](#) yn cael ei gyhoeddi ar y we, ac mae'n cynnwys dolen i dudalennau [Adrodd a Chymorth](#) y Brifysgol lle mae gan unigolion yr opsiwn i gyflwyno adroddiad neu bryder dienw neu drydydd parti. Dylid defnyddio'r cod hwn i ymdrin ag unrhyw honiadau o fwlio, aflonyddu neu ymddygiad arall sy'n groes i urddas a pharch a gyflawnir gan fyfyrwyr boed ar y campws ai peidio neu p'un ai ar weithgareddau cysylltiedig â'r Brifysgol ai peidio.

Mae ein Cynllun Cydraddoldeb 2020 -2024 yn hyrwyddo cydraddoldeb a gwelliannau cydraddoldeb o fewn y Brifysgol yn unol â gofynion Deddf Cydraddoldeb 2010. Bydd y cynllun yn cael ei fesur trwy Adroddiadau Cynnydd a byddant ar gael yn ein adroddiadau monitro blynyddol.

Mae ein Cynllun Cydraddoldeb Strategol 2020 - 2024 (a'r Cynllun Gweithredu ar Gydraddoldeb sy'n perthyn iddo) ar gael yn adran Cynlluniau ein tudalennau gwe Cydraddoldeb: <https://www.aber.ac.uk/cy/equality>

Os oes gennych unrhyw gwestiwn, y cyfeiriad ebost yw equstaff@aber.ac.uk

Dyddiadau Pwysig

Gellir dod o hyd i ddyddiadau tymor y Brifysgol, gan gynnwys semestrau, cynefino, cofrestru ac ymgartrefu, gwyliau, arholiadau ac wythnosau adolygu (os yw'n briodol) yma: <https://www.aber.ac.uk/en/dates-of-term/>.

Dylid darllen dyddiadau'r tymor ar y cyd â gofynion preswyl y Brifysgol ar gyfer myfyrwyr amser-llawn fel y nodir yn adran 3.1 o'r Rheolau a Rheoliadau i Fyfyrwyr (<https://www.aber.ac.uk/en/academic-registry/handbook/regulations/student-rules-regs/>).

Adran B: Gwybodaeth am yr Adran

Cyfathrebu rhwng y Brifysgol a myfyrwyr

Mae'r cyfathrebu swyddogol rhwng y Brifysgol a'r myfyrwyr yn digwydd drwy ebost Prifysgol Aberystwyth. Os nad ydych eto wedi rhoi eich cyfrif myfyriwr ar waith, gwnewch hynny nawr drwy ddilyn y cyfarwyddiadau ar-lein:

<https://myaccount.aber.ac.uk/open/activate/>.

Os bydd aelod staff yn yr Adran yn dymuno cysylltu â chi, byddant yn anfon ebost, fel arfer. Edrychwch ar eich ebyst bob dydd. Rydym yn defnyddio ebost i gyflwyno gwybodaeth bwysig am newidiadau i'r amserlen, newidiadau i weithdrefnau'r adran a dyddiadau cau sydd ar y gorwel.

Os dych chi'n cysylltu'r Adran, gallwch ddisgwyl ymateb i'r rhan fwyaf o ymholiadau o fewn dau ddiwrnod (gwaith).

Presenoldeb a Chynnydd Academaidd

Mae'r Brifysgol yn mynnu bod myfyrwyr yn mynychu yr holl weithgareddau ar eu hamserlen, yn cynnwys darlithoedd, seminarau, dosbarthiadau ymarferol a thiworialau. Mae'n bosibl hefyd y bydd y Brifysgol neu'r adran academaidd yn pennu gofynion presenoldeb ychwanegol.

Mae'r Brifysgol wedi ymrwymo i fframwaith ar gyfer monitro cynnydd a phresenoldeb myfyrwyr fel rhan o'i chyfrifoldeb i ofalu am fyfyrwyr unigol. Os yw eich presenoldeb a'ch cynnydd yn anfodhaol, bydd eich adran academaidd yn cysylltu a byddwch yn cael gwahoddiad i egluro'r sefyllfa. Er mai er mwyn estyn cymorth i chi yw'r rheswm dros fonitro cynnydd academaidd, mae'n bosibl y cymerir camau disgyblu mewn achosion lle nad yw ymdrechion i wella'r sefyllfa wedi arwain at welliant mewn presenoldeb a chynnydd. Mewn achosion o'r fath, gall adrannau academaidd argymhell bod myfyrwyr yn cael eu diarddel o'r Brifysgol.

Gweler y Rheoliad Academaidd ynghylch Cynnydd Academaidd yn llawn yn Rhan B y Llawlyfr Ansawdd Academaidd: <https://www.aber.ac.uk/cy/academic-registry/handbook/regulations/academic-progress/>

Cwrdd â'r staff

Ceir gwybodaeth ynglŷn â staff yr adran, yn cynnwys eu swyddogaethau a'u dyletswyddau ar dudalen we'r adran:

<https://www.aber.ac.uk/cy/modernlangs/staff-profiles/>

Y ffordd orau i gysylltu ag aelod staff yw drwy ebost yn y lle cyntaf. Mae staff dysgu hefyd yn cadw '**Oriau Adborth a Chynghori**' – adegau pan fyddant ar gael yn eu swyddfeydd i siarad â myfyrwyr. Os hoffwch siarad ag aelod o staff academiaidd yn bersonol, gofynnwch pryd mae ei horiau swyddfa. Os nad ydych yn sicr â phwy y dylech gysylltu, anfonwch e-bost yr Adran modernlangs@aber.ac.uk.

Tiwtoriaid Personol

Bydd Tiwtor Personol yn cael ei neilltuo i bob myfyriwr israddedig. Mae gan y Tiwtoriaid Personol ran bwysig i'w chwarae yn y fframwaith cyffredinol sy'n cynnal y myfyrwyr a'u datblygiad personol yn y Brifysgol.

Dylai'r Tiwtor Personol fod yn un o'r manau cyswllt cyntaf rhwng y myfyrwyr a'r adran academiaidd, a dylai fod ar gael i gael sgwrs ar adegau rhesymol, a lle y bo'n briodol dylai gyfeirio'r myfyrwyr i gael cyngor arbenigol.

Mae gwybodaeth fwy manwl ar gael yn adran 6.6 Tiwtoriaid Personol yn y Llawrlyfr Ansawdd Academiaidd: <https://www.aber.ac.uk/cy/academic-registry/handbook/student-support/>

Coleg Cymraeg Cenedlaethol

Sefydliad cenedlaethol yw'r Coleg Cymraeg sy'n chwarae rhan allweddol mewn cynllunio, cynnal a datblygu addysg ac ysgolheictod cyfrwng Cymraeg yn ein prifysgolion. Mae gan y Coleg ganghennau ymhob un o brifysgolion Cymru lle cynigir darpariaeth drwy gyfrwng y Gymraeg. Yma ym Mhrifysgol Aberystwyth, lleolir y Gangen

o dan adain Canolfan Gwasanaethau'r Gymraeg. Cewch ragor o wybodaeth am weithgareddau academaidd a chymdeithasol y Gangen, ynghyd â'r cyfleoedd sydd ar gael i fyfyrwyr ddod yn aelodau o'r Coleg Cymraeg Cenedlaethol yma:

<https://www.aber.ac.uk/en/ccc/>. I ddod yn aelod o'r Coleg Cymraeg Cenedlaethol ewch i <https://colegcymraeg.ac.uk/myfyrwyr/prifysgol/eisiau-derbyn-gwybodaeth/>. Os gwnaethoch chi ymaelodi yn yr ysgol neu'r coleg, bydd angen i chi ddiweddarau eich aelodaeth i aelodaeth myfyriwr prifysgol drwy lenwi'r ffurflen hon: <https://colegcymraeg.ac.uk/ymaelodi-prifysgol/>.

Astudio drwy Gyfrwng y Gymraeg

Mae'r modiwlau sydd ar gael yn yr Adran ar hyn o bryd yn fodiwlau cyfrwng Saesneg/Ffrangeg/Almaeneg/Eidaleg/Sbaeneg yn unig.

Cyflwyno Asesiadau trwy gyfrwng y Gymraeg

Mae gan Brifysgol Aberystwyth bolisi dwyieithrwydd ar gyfer pob asesiad ysgrifenedig, gan gynnwys traethodau gwaith cwrs ac arholiadau. Caiff myfyrwyr, p'un ai Cymraeg neu Saesneg yw prif iaith asesu'r modiwl dan sylw, ddewis cyflwyno sgriptiau arholiadau ac asesiadau gwaith cwrs naill ai yn Gymraeg neu yn Saesneg (ac eithrio asesiadau lle mae asesu iaith yn rhan o ddeilliannau dysgu'r modiwl). Bydd myfyrwyr sy'n dilyn modiwlau drwy gyfrwng y Gymraeg yn cael eu harholi yn yr iaith honno; mae gan fyfyrwyr sy'n dilyn modiwlau drwy gyfrwng y Saesneg hawl i gael eu hasesu yn Gymraeg.

Mae'r Brifysgol wedi sefydlu polisi ar gyfieithu asesiadau er mwyn sicrhau uniondeb y broses (h.y. na fydd myfyrwyr yn cael mantais nac anfantais annheg o ran marcio gwaith wedi'i gyfieithu. Nid oes disgwyl i fyfyrwyr sydd am gyflwyno sgriptiau arholiadau neu asesiadau gwaith cwrs yn Gymraeg ar fodiwlau cyfrwng Saesneg roi gwybod am hyn i adrannau academaidd ymlaen llaw. Fodd bynnag, er mwyn caniatáu amser i baratoi papurau arholiad Cymraeg ar gyfer modiwlau cyfrwng Saesneg, gofynnir i fyfyrwyr hysbysu **Canolfan Gwasanaethau'r Gymraeg** erbyn y dyddiadau a gyhoeddir gan y Ganolfan ar ddechrau pob semester. Bydd myfyrwyr sydd wedi nodi ar eu cofnod eu bod yn siarad Cymraeg yn cael neges ebost atgoffa gan Ganolfan Gwasanaethau'r Gymraeg.

Canolfan Gwasanaethau'r Gymraeg

Mae Prifysgol Aberystwyth yn sefydliad dwyieithog lle defnyddir y Gymraeg yn rheolaidd yn ei gweinyddiaeth ac yn ei gweithgareddau academiaidd.

Mae Canolfan Gwasanaethau Cymraeg yn hyrwyddo'r defnydd o'r Gymraeg ac yn cefnogi'r Brifysgol wrth weithredu'n ddwyieithog.

Fel Prifysgol yng Nghymru, mae Prifysgol Aberystwyth yn cydymffurfio â Safonau'r Gymraeg sy'n esbonio sut mae disgwyl i'r Brifysgol ddarparu gwasanaethau penodol drwy gyfrwng y Gymraeg, gan sicrhau nad yw'r Gymraeg yn cael ei thrin yn llai ffafriol na'r Saesneg.

Er enghraifft, bydd gohebiaeth gyffredinol â myfyrwyr yn ddwyieithog yn ogystal â deunydd arddangos, ein gwasanaethau ffôn, gwefannau, a gwasanaethau ar-lein. Mae gan fyfyrwyr hefyd yr hawl i ddefnyddio'r Gymraeg mewn cyfarfodydd gyda'r brifysgol, ac os oes angen bydd 'gwasanaeth cyfieithu ar y pryd' yn cael ei ddarparu i hwyluso hyn.

Wrth astudio ym Mhrifysgol Aberystwyth mae nifer o fyfyrwyr yn cofrestru ar gyrsiau Dysgu Cymraeg, sy'n rhad ac am ddim i ddysgwyr rhwng 18 a 25 oed.

I gael gwybodaeth am ddysgu Cymraeg, gwasanaethau Cymraeg neu am sut mae'r Gymraeg yn cael ei defnyddio ym Mhrifysgol Aberystwyth, cysylltwch â canolfangymraeg@aber.ac.uk / <https://www.aber.ac.uk/cy/cgg/>

Cyflogadwyedd

Cyfoethogir sgiliau cyflogadwyedd ein myfyrwyr drwy ddefnyddio nifer o ddulliau. Mae'r Cynllun Datblygiad Personol eisoes yn rhan annatod o bob blwyddyn astudio er mwyn i fyfyrwyr fyfyr ar eu dysgu a'r posibiliadau ar gyfer gwaith. Ar ben hynny, mae rhaglenni cyflogadwyedd a datblygu gyrfa yn rhan annatod o gyrsiau iaith ffurfiol wrth i fyfyrwyr dderbyn cymorth i lunio CV a llythyron cyflwyno (ar gyfer swyddi yn y DU ac yn Ewrop). Mae croeso i bob myfyriwr ofyn i diwtoriaid drafod materion cyflogadwyedd ar unrhyw adeg a chael cyngor perthnasol. Mae'r Adran wrthi'n barhaus yn ceisio cryfhau ei chysylltiadau gyda phrifysgolion tramor sy'n arbenigo mewn dysgu sgiliau cyfieithu

proffesiynol neu ddysgu'r ieithoedd hyn fel iaith dramor er mwyn i'n myfyrwyr allu elwa o'r agweddau mwy galwedigaethol ar ddysgu iaith a bwysleisir yn y meysydd llafur. Mae'r Brifysgol wedi ymrwymo i ddatblygu eich 'galluoedd digidol'. "Adnodd dwyieithog yw'r Offeryn Darganfod Digidol Jisc sy'n galluogi myfyrwyr a staff i hunanasesu eu galluoedd digidol. Bydd yn eich galluogi i adnabod eich cryfderau, yn ogystal ag amlygu cyfleoedd i ddatblygu eich galluoedd digidol ymhellach."

(<https://www.aber.ac.uk/en/is/library-services/digital-capabilities/discovery-tool/>).

Cyfleoedd i Astudio neu i Weithio Dramor

Caiff myfyrwyr gyfle i astudio, gweithio neu wirfoddoli dramor a cheir rhagor o wybodaeth am y cyfleoedd hyn yma: <https://aber.ac.uk/cy/study-with-us/global-opportunities/>

Bydd pob un o fyfyrwyr yr Adran yn cael cyfle i dreulio'r drydedd flwyddyn dramor. Mae'r Flwyddyn Dramor yn gyfle unigryw i fyfyrwyr ddatblygu eu sgiliau trosglwyddadwy a fydd yn eich galluogi i ffynnu yn y byd y tu allan i'r brifysgol. Mae gorfod byw mewn gwlad estron, ar eich pen eich hun, gan ddibynnu ar eich sgiliau iaith, yn meithrin ynoch yr hyder a'r ffydd ynoch eich hun y mae busnesau yn chwilio amdanynt. Bydd llawer o fyfyrwyr y Flwyddyn Dramor yn cael swyddi yn y Cyngor Prydeinig fel cynorthwywyr dysgu ieithoedd, fydd yn rhoi'r cyfle i chi ddatblygu sgiliau yn y gweithle a meithrin cysylltiadau a fydd yn ddefnyddiol ymhell ar ôl i chi adael y brifysgol.

I gael gwybodaeth sy'n ymwneud â'r Flwyddyn Dramor (yn cynnwys canllawiau a rheoliadau) ewch i fodiwl yr adran ar Blackboard: 'Ieithoedd Modern: Gwybodaeth i Israddedigion (yn cynnwys y Flwyddyn Dramor)'.

Eich Llais: Casglu Adborth Myfyrwyr

Mae Prifysgol Aberystwyth yn ymrwymo i ddarparu profiad o'r radd flaenaf i'w myfyrwyr. Mae myfyrwyr yn bartneriaid yn eu dysgu, ac mae'r Brifysgol yn rhoi pwyslais mawr ar eu barn am y rhaglenni academaidd a'r profiad myfyriwr ehangach.

Trwy 'Dy Lais ar Waith' bydd staff a myfyrwyr yn cydweithio i wneud Aberystwyth yn brifysgol eithriadol. Gallwch sôn am yr hyn yr ydym yn ei wneud yn dda, lle y gallwn wella, a beth sy'n bwysig i chi. Gallwch gymryd rhan trwy gysylltu â swyddogion neu gynrychiolwyr academaidd Undeb y Myfyrwyr, siarad gyda'ch darlithwyr neu staff cymorth, cwblhau'r ffurflen ar-lein 'Dy Lais ar Waith', neu gwblhau Holiadur Gwerthuso Modiwl. Mae eich adborth yn ein helpu i barhau i gyfoethogi'r profiad myfyriwr.

Mae'ch Llais Chi'n Cyfrif, felly cysylltwch gyda ni i fynegi eich barn.

Holiaduron Gwerthuso Modiwl

Bob semester, bydd gofyn i bob myfyriwr israddedig gwblhau Holiadur Gwerthuso Modiwl ar-lein yn y dosbarth ar gyfer pob modiwl. Mae'r holl adborth o'r Holiaduron yn ddiennw a chaiff ei ddefnyddio er mwyn asesu perfformiad y modiwl a gwneud unrhyw newidiadau posibl. Bydd pob cydlynnydd modiwl yn ysgrifennu adroddiad yn dadansoddi'r canlyniadau, a byddant yn cael eu darparu i fyfyrwyr trwy drafodaethau wyneb yn wyneb, trwy e-bost ac ar Blackboard.

Gofynnir i chi ddarparu adborth adeiladol ar eich modiwlau, gan gwblhau'r gwerthusiadau modiwl yn onest, gydag ystyriaeth a pharch i'r staff addysgu a'r staff cymorth ar bob modiwl yn unol â'r Rheolau a Rheoliadau:

<https://www.aber.ac.uk/cy/academic-registry/handbook/regulations/>.

Wrth iddynt gyflwyno sylwadau, hysbysir myfyrwyr bod y Brifysgol yn cadw'r hawl i ddileu neu ailolygu sylwadau os ystyrir eu bod yn torri'r Rheolau a'r Rheoliadau.

Dy Lais ar Waith

Dy Lais ar Waith yw'r broses sy'n caniatáu i fyfyrwyr roi adborth ar unrhyw adeg am unrhyw agwedd o'u profiad yn y Brifysgol. Mae adborth myfyrwyr yn helpu'r Brifysgol i barhau i gyfoethogi'r profiad myfyriwr, trwy ddweud wrthym beth rydyn ni'n ei wneud yn dda, beth y gallwn ei wella a beth sy'n fwyaf pwysig i chi. Gweler

<https://www.aber.ac.uk/cy/student/your-voice-matters>. Unwaith eto, gofynnir i chi roi adborth cadarnhaol gydag ystyriaeth a pharch i staff yn unol â'r Rheolau a'r Rheoliadau.

Pwyllgor Ymgynghorol Staff a Myfyrwyr

Mae'r myfyrwyr yn rhan gwbl ganolog o'r dysgu a'r addysgu ac mae sicrhau llais effeithiol i'r myfyrwyr, gyda threfniadau cynrychioli priodol, yn sylfaenol i systemau sicrhau a gwella ansawdd y Brifysgol. Drwy hyn mae'r Brifysgol yn cydnabod pwysigrwydd sicrhau cynrychiolaeth effeithiol i'r myfyrwyr ar sawl haen yn strwythur y Brifysgol er mwyn cyfrannu at ei llwyddiant o ran cynnal a chyfoethogi profiad y myfyrwyr.

Mae'r Pwyllgorau Ymgynghorol Staff a Myfyrwyr yn darparu dull ffurfiol i'r Brifysgol a'r myfyrwyr i drafod materion academaidd sy'n effeithio ar eu hastudiaethau. Maent wedi eu sefydlu yn unol â'r canllawiau cynrychiolaeth myfyrwyr yn adran 6 y Llawlyfr Ansawdd Academaidd: 'Cymorth Myfyrwyr'. Ceir rhagor o wybodaeth yma:

<https://www.aber.ac.uk/cy/academic-registry/handbook/student-support/>

Cyhoeddir cofnodion y cyfarfodydd PYSM ar Blackboard. Rydym am eich annog i gynnig eich enw fel cynrychiolydd myfyrwyr ar ddechrau'r flwyddyn, ac i fynegi eich barn wrth y cynrychiolwyr academaidd cyn cyfarfodydd y pwyllgor. Cadeirydd PYSM yr adran yw Dr Heidi Wiener hgw1@aber.ac.uk

Adran C: Cofrestru a'ch Rhaglen

Cofrestru

Cyn bod modd i chi fod yn fyfyrwr cofrestredig amser llawn neu ran-amser yn y Brifysgol, mae'n rhaid i chi gofrestru ar ddechrau'r sesiwn. Mae gwybodaeth am gofrestru, yr amserlen gofrestru, a rhestr lawn o ddigwyddiadau ar gael yma:

<https://www.aber.ac.uk/cy/new-students/freshers/registration/>

Os oes gennych unrhyw ymholiadau ynghylch Cofrestru Israddedig, cysylltwch â'r Gofrestrfa Academaidd (e-bost: ugfstaff@aber.ac.uk, ffôn: 01970 628515/622787).

Mae'n bwysig iawn eich bod yn rhoi gwybod i'r Gofrestrfa Academaidd os nad ydych yn gallu cofrestru ar amser. **Sylwer: Os na fyddwch yn cwblhau'r cofrestru, ni fyddwch wedi'ch cofrestru fel myfyrwr a bydd eich mynediad i gyfleusterau'r Brifysgol yn cael ei atal.**

Cyfrifoldebau Fisâu Myfyrwyr

Gwybodaeth bwysig i fyfyrwyr sy'n astudio yn y DU ar Fisa Myfyriwr neu Fisa Haen 4.

Mae Prifysgol Aberystwyth yn 'noddwr' cofrestredig o dan y System ar Sail Pwyntiau.

Mae hynny'n golygu y cawn ddenu a noddi myfyrwyr rhyngwladol.

Mae'r Swyddfa Gartref, o dan y system honno, yn gosod cyfrifoldebau ar fyfyrwyr ac ar eu Prifysgol i sicrhau bod y rheolau mewnfudo'n cael eu dilyn.

Fel noddwr cofrestredig, mae'r Brifysgol wedi llunio polisiau a gweithdrefnau i sicrhau ein bod yn cydymffurfio â'r cyfrifoldebau hyn. Bwriedir i'r polisiau a'r gweithdrefnau hyn hefyd amddiffyn eich statws mewnfudo.

Er mwyn helpu i osgoi anawsterau posib rydym wedi darparu arweiniad ar y cyfrifoldebau hyn ar y wefan isod a hefyd yn adran adnoddau'r dudalen Gwybodaeth am Gydymffurfio.

Os oes gennych unrhyw gwestiynau, cysylltwch â compliance@aber.ac.uk.

Mae rhagor o wybodaeth ar gael yma: <https://www.aber.ac.uk/en/international/visa-immigration-compliance/compliance-information/>

Strwythurau Cynlluniau a Manylebau Rhaglenni

Ceir dolenni cyswllt â strwythurau'r holl gynlluniau cyfredol yma:

<https://www.aber.ac.uk/cy/study-schemes/>

Ceir dolenni cyswllt â manylebau'r holl raglenni cyfredol yma:

<https://www.aber.ac.uk/cy/programme-specs/index.html>

Bydd eich cynllun gradd yn cynnwys 'modiwlau craidd' y bydd yn rhaid i chi eu hastudio, ond gall hefyd gynnwys 'modiwlau dewisol'. Mae gan rai modiwlau dewisol drothwy isaf o ran cofrestriadau, felly ni allwn eu cynnig os nad oes digon o fyfyrwyr yn cofrestru arnynt. Os na allwn gynnig y modiwl dewisol yr hoffech, gofynnir i chi ddewis eto.

Gwybodaeth ynghylch modiwlau

Uned astudio mewn cynllun gradd yw modiwl, ac mae ganddo ei ganlyniadau dysgu ei hun. Ceir dolenni cyswllt â manylion modiwlau unigol yma:

<https://www.aber.ac.uk/cy/modules/>.

Rhoddir cod saith digid i bob modiwl yn Aberystwyth. Mae'r cod yn rhoi gwybodaeth bwysig i chi am y modiwl, fel y gwelir yn yr enghraifft isod. Mae'r ddwy llythyren gyntaf yn dynodi'r pwnc (CY Cymraeg); mae'r rhif cyntaf yn dynodi'r lefel: (hynny yw 1,2,3, ac M ar gyfer Meistr); mae'r ddau ddigid olaf yn dynodi gwerth y credydau (10, 20 ac yn y blaen). Mae '00' yn golygu semester cyntaf modiwl tenau a ddysgir dros ddau semester.

Amserlen Academaidd

Wedi i chi gofrestru, gallwch weld eich amserlen ar-lein bersonol drwy eich cofnod myfyriwr: <https://studentrecord.aber.ac.uk/cy/>.

Os oes gennych gwestiynau am eich amserlen unigol, holwch eich adran academaidd yn y lle cyntaf: <https://www.aber.ac.uk/cy/timetable/departamental-timetable-officers/>

Ceir rhagor o wybodaeth am leoliadau adeiladau academaidd ac ystafelloedd addysgu ar yr amserlen ganolog ar: <https://www.aber.ac.uk/cy/timetable/zones/>

Adran D: Asesu ac Adborth

Blackboard / Adnoddau E-Ddysgu

Ar ôl ichi orffen cofrestru ar gyfer y sesiwn academaidd, cewch fynediad at ddeunyddiau dysgu'r modiwlau drwy AberLearn Blackboard.

Mae'r Adran yn gwneud defnydd helaeth o Blackboard. Mae pob un o'r ieithoedd wedi datblygu ystod o ddeunyddiau newydd ar gyfer myfyrwyr y flwyddyn gyntaf, yr ail flwyddyn a'r flwyddyn olaf, yn cynnwys ymarferion gwrando gyda deunydd newydd a mwy byw, ystod o ymarferion gwrando ar fideo a llawer o ymarferion i'w canlyn ar gyfer ein dosbarthiadau i ddechreuwr. Anfonir negeseuon yn rheolaidd drwy Blackboard ac rydym yn ei ddefnyddio i asesu gwaith yn ogystal.

Dyma'r ddolen i Blackboard: <https://blackboard.aber.ac.uk>

Dulliau Asesu

Byddwch yn cael eich asesu'n ffurfiol drwy amryw ffyrdd yn ystod ac ar ddiwedd pob modiwl. Bydd yr union asesiad, a'r gymysgedd o asesu ffurfiannol (traethodau, aseiniadau etc yn ystod y tymor) a chrynodol (sydd yn aml, er nad bob tro, yn cynnwys arholiad ar ddiwedd semester), yn amrywio yn unol â natur y modiwl. Os ydych yn ansicr, holwch diwtor y modiwl, a fydd yn hapus i egluro unrhyw beth rydych yn ansicr yn ei gylch. Ceir rhagor o fanylion yr asesiadau ar dudalennau gwe y modiwlau. Wedi i chi gofrestru ar fodiwl, cewch wybodaeth fanwl am natur ac amseroedd yr asesiadau yn adran 'Asesiadau' y dudalen BwrddDu ar gyfer y modiwl.

Yn y brifysgol, mae'n bwysig nodi nad dangos hyd a lled eich gwybodaeth yn unig yw nod asesu. Mae hefyd yn elfen hanfodol o'r broses ddysgu sy'n eich helpu i ddatblygu a gwella eich sgiliau wrth fynd i'r afael â problemau, llunio dadl a chyflwyno syniadau sy'n aml yn gymhleth, yn glir a chydag argyhoeddiad. Mae'r sgiliau hyn yn elfen hanfodol o'ch cynllun gradd, a mawr yw'r galw amdanynt ym mhob maes gwaith. Bydd yr adborth a gewch gan eich tiwtoriaid ar eich gwaith asesedig yn eich helpu i wella'r sgiliau hyn wrth ichi symud ymlaen drwy eich cynllun gradd.

Modiwlau iaith ysgrifenedig a chynnwys

Bydd elfen arholi y rhan fwyaf o fodiwlau yn cynnwys un arholiad dwy awr neu dair awr. Caiff asesu parhaus ei seilio ar brofion dosbarth a chyflwyno ymarferion ac aseiniadau. I gael manylion am y dulliau asesu a'r dosbarthiad canrannau rhwng arholiadau ac asesu parhaus, dylech droi at dudalennau gwe'r modiwlau, safle BwrddDu y modiwl (yn enwedig yr adran 'Asesiadau') a gwybodaeth arall a gyflwynir ar gyfer pob modiwl. Bydd tiwtor cwrs neu ddsbarth penodol fel arfer yn cyflwyno manylion am ofynion y modiwl ar y dechrau.

Asesiad parhaus mewn modiwlau nad ydynt yn ymwneud ag iaith (cynnwys)

Os yw modiwl yn cynnwys dau gyflwyniad traethawd fel rhan o'r asesiad parhaus, a bod myfyriwr yn methu â chyflwyno Un darn o'r ddau sydd eu hangen, bydd y marc ar gyfer yr un darn o waith a gyflwynir yn cael ei gario ymlaen fel marc asesu parhaus, ond bydd

y marc yn cael ei rannu gan ddau. Os na chaiff gwaith a asesir ei gyflwyno, rhoddir marc sero ar gyfer yr elfen asesu parhaus (a gaiff ei fwydo i asesiad cyffredinol y modiwl). Mae hyn yn berthnasol i BOB modiwl (cynnwys) sydd â dau draethawd asesu parhaus.

Gwaith llafar

Asesir gwaith llafar drwy arholiad ac asesu parhaus. Yn nwy elfen yr asesiad, bydd yr arholwyr/tiworiaid yn chwilio am ruglder, gramadegolrwydd, ynganiad cywir, a chynnwys yr hyn sydd gennych i'w ddweud. Fe'ch anogir i ddefnyddio'r cyfleusterau sydd ar gael yn y Ganolfan Adnoddau Iaith er mwyn gwella, yn benodol, eich ynganiad yn ogystal ag elfennau eraill o'ch cyflwyniad llafar. Aelodau o'r staff dysgu sydd fel arfer yn cynnal arholiadau llafar y flwyddyn gyntaf a'r ail. Bydd o leiaf ddau arholwr yn arholiadau llafar y flwyddyn olaf, a gall un ohonynt fod yn arholwr allanol y pwnc.

Defnyddio geiriaduron mewn profion dosbarth

Dylai myfyrwyr nodi mai geiriadauron Cymraeg-Saesneg/Saesneg-Cymraeg yn unig a ganiateir mewn profion yn y dosbarth. Dim ond ar gyfer profion penodol wedi'u seilio ar eiriaduron y caniateir geiriaduron uniaith.

Cyflwyno Gwaith Cwrs a Dyddiadau Cau

Mae dyddiadau cau gwaith ysgrifenedig yn fater y mae'r Brifysgol yn ei gymryd o ddifrif. Mae'n rhaid i'r myfyrwyr reoli eu hamser mewn modd cyfrifol er mwyn gallu cyflwyno'u gwaith yn brydlon. Rhaid cyflwyno gwaith cwrs i'r adran yn unol â'r gofynion adrannol unigol a'r dyddiadau cau a gyhoeddwyd ganddi. Bydd gwaith a gyflwynir ar ôl y dyddiad cau yn cael marc sero.

Oni cheir cyfarwyddyd i'r gwrthwyneb, dylid cyflwyno pob gwaith cwrs yn electronig os yw yn seiliedig ar destun ac ar brosesydd geiriau.

Absenoldeb o Arholiadau

Bernir bod ymgeisydd yn absennol am reswm da o arholiad neu asesiad os cyflwynir dogfennaeth i gadarnhau salwch, damwain, profedigaeth agos neu amgylchiadau

tosturiol sy'n ymwneud yn agos â'r ymgeisydd. Bydd gan y Bwrdd Arholi perthnasol ddisgresiwn i benderfynu a oedd ymgeisydd yn absennol am reswm da, a hynny ar sail y dystiolaeth a dderbyniwyd. Bydd ymgeisydd a fu'n absennol o unrhyw arholiad yn y Brifysgol heb reswm da neu a fethodd â chyflawni mathau eraill o asesiadau erbyn y dyddiad angenrheidiol yn cael marc sero am yr asesiad dan sylw.

Ceisiadau am Estyniad

Os oes rheswm anorfod sy'n golygu na ellir cyflwyno gwaith cwrs mewn pryd, mae'n rhaid i fyfyrwyr gyflwyno cais am estyniad trwy gwblhau'r Ffurflen Gais am Estyniad i Ddyddiad Cyflwyno Gwaith Cwrs. Mae'r ffurflen gais [ar wefan y Brifysgol o dan 3.13 Templedi](#); mae'n rhoi cyfarwyddiadau manwl ar yr amgylchiadau lle y bydd posibilrwydd o ganiatau estyniadau, hyd yr estyniadau, a beth i'w wneud os nad oes modd caniatáu estyniad neu os gwrthodir y cais.

Swyddogion Estyniadau wedi'u rhestru yn <https://www.aber.ac.uk/cy/academic-registry/handbook/taught-schemes/officers/>.

Amgylchiadau Arbennig

Nod y Brifysgol yw asesu ei myfyrwyr i gyd mewn modd cadarn ond teg, yn unol â'i rheoliadau a'i gweithdrefnau cymeradwy. Er hynny, mae'n dibynnu ar ei myfyrwyr i roi gwybod iddi am unrhyw amgylchiadau arbennig a allai effeithio ar eu perfformiad, fel y gall sicrhau bod ei holl fyfyrwyr yn cael eu trin yn gyfartal ac yn deg. Dyma rai enghreifftiau o Amgylchiadau Arbennig (dim ond enghreifftiau yw'r rhain, nid rhestr gyflawn mohoni): salwch tymor hir neu dymor byr, problemau ariannol difrifol, problemau difrifol â'ch llety, profedigaeth neu ryw amgylchiadau personol eraill. Os byddwch am roi gwybod i'r Brifysgol am amgylchiadau arbennig, llenwch bob rhan o'r Ffurflen Amgylchiadau Arbennig a'i hanfon at y bobl berthnasol (<https://www.aber.ac.uk/cy/academic-registry/handbook/taught-schemes/stafflist/>) ym mhob adran academaidd lle'r ydych yn astudio modiwlau, ynghyd â chopïau o'r dystiolaeth. Noder ei bod hi'n rhaid i fyfyrwyr hysbysu'r Brifysgol o unrhyw amgylchiadau personol eithriadol a allai effeithio ar eu perfformiad academaidd cyn gynted ag sy'n bosib ac ym mhob achos cyn i'r Byrddau Arholi gyfarfod. Ceir

cyfarwyddyd pellach yn adran 3.8 o'r Llawlyfr Ansawdd Academaidd:

<https://www.aber.ac.uk/cy/academic-registry/handbook/taught-schemes/>

Trefniadau Marcio a Chymedroli

Cynhelir pob arholiad yn unol â gweithdrefn Marcio Anhysbys y Brifysgol a amlinellir yn adran 3.5 y Llawlyfr Ansawdd Academaidd, a bydd ymgeiswyr yn parhau yn anhysbys hyd nes y cynhelir Bwrdd Arholi'r adran. Bryd hynny, derbynnir argymhellion Paneli Amgylchiadau Arbennig yr adran er mwyn ystyried amgylchiadau meddygol neu amgylchiadau arbennig eraill a gyflwynwyd gan y myfyriwr yn unol â Gweithdrefn Amgylchiadau Arbennig y Brifysgol (adran 3.8 yn y Llawlyfr Ansawdd Academaidd). Gweithredir polisi tebyg ar gyfer gwaith cwrs, gyda rhai eithriadau a gymeradwyir gan Athrofeydd lle nad yw trefniadau anhysbys yn ymarferol neu'n ddymunol.

Disgwyliad Cod Ansawdd y DU yw y bydd gan sefydliadau addysg uwch drefniadau tryloyw a theg ar gyfer marcio a chymedroli. Mae angen i'r Brifysgol fod yn sicr bod prosesau cymedroli mewnol sy'n gadarn, effeithiol a chyson yn cael eu gweithredu ym mhob adran academaidd. Mae manylion y prosesau hyn yn debygol o amrywio yn ôl amgylchiadau penodol a gofynion cyrff proffesiynol, ond dylai pob adran academaidd lynu wrth y diffiniadau a'r gofynion sylfaenol a amlinellir yn y Llawlyfr Ansawdd Academaidd wrth weithredu eu prosesau cymedroli mewnol.

Meini Prawf Marcio

Gellir dod o hyd i'r meini prawf asesu yn yr adran Dysgu ac Addysgu ar wefan yr Adran:

<https://www.aber.ac.uk/en/modernlangs/supporting-you/useful-links/requirements-regulations/>

Adborth

Gofynion y Brifysgol yw bod adborth ar gyfer gwaith cwrs yn cael ei ddarparu o fewn 15 diwrnod gwaith i'r dyddiad cyflwyno. Os oes oedi am resymau eithriadol na ellir eu hosgoi, byddwch yn cael eich hysbysu ac yn derbyn amserlen ddiwygiedig ar gyfer dychwelyd yr asesiad o dan sylw.

Mae'r Brifysgol yn arfer yr Egwyddorion Adborth Effeithiol isod o ran gwaith y myfyrwyr:

(i) Dylai'r adborth fod yn dryloyw, er mwyn i'r myfyrwyr allu ei ddeall a'i gysylltu â'r meini prawf asesu.

(ii) Dylai'r adborth helpu'r myfyrwyr i weld beth yw eu cryfderau a ble y mae angen iddynt wella.

(iii) Dylai'r adborth fod yn gymesur ac yn briodol i'r math o asesiad, yr amseru a maint y dosbarth.

(iv) Dylai fod gan y myfyrwyr wybodaeth glir a hygyrch am y mathau o asesiadau a natur ac amseriad yr adborth a gânt ar gyfer pob math o asesiad.

(v) Mae gan y myfyrwyr hawl i ofyn am eglurhad ar y marciau, i'w helpu i ddeall yr hyn a wnaethant yn dda a'r hyn na wnaethant cystal, a sut y gallant wella.

Ar gyfer gwaith nad yw'n cael ei asesu drwy Turnitin, rhoddir adborth ar gyfer y darn o waith a gellir cysylltu'n uniongyrchol â'r tiwtoriaid os bydd angen rhagor o adborth arnoch.

Bydd eich tiwtoriaid a'ch darlithwyr yn treulio llawer o amser yn edrych dros eich gwaith. Mae ystyried eu sylwadau yn ofalus yn rhan annatod o'r broses ddysgu. Bydd gan bob un ohonynt 'oriau adborth' penodol y byddant yn eu neilltuo i drafod eich gwaith gyda chi ac a fydd yn gyfle i chithau hefyd drafod unrhyw agwedd ar eich gwaith gyda nhw.

Arholwyr Allanol

Mae Arholwyr Allanol yn allweddol o ran helpu i gynnal safonau academiaidd a goruchwylio'r broses asesu. Mae'r Brifysgol yn penodi Arholwyr Allanol ar gyfer pob darpariaeth sy'n arwain at ddyfarniad gan Brifysgol Aberystwyth.

Mae Arholwyr Allanol yn sicrhau bod asesiadau wedi eu cynnal mewn modd teg a chyson a bod y safonau'n cyd-fynd â sefydliadau addysg uwch eraill y DU a/neu safonau cyrff proffesiynol perthnasol. Mae'r Arholwyr Allanol yn cyflawni nifer o dasgau a amlinellir yn adran 5 y Llawlyfr Ansawdd Academiaidd, Arholi Allanol:

(<https://www.aber.ac.uk/cy/academic-registry/handbook/ext-exam/>). Mae'r rhain yn cynnwys cymeradwyo asesiadau Arholwyr Mewnol, edrych ar samplau o ddeunydd asesu, edrych ar samplau o waith wedi'i asesu a chymeradwyo argymhellion a wnaed

gan y Bwrdd Arholi. Mae Arholwyr Allanol hefyd yn darparu adroddiadau ysgrifenedig ar y broses asesu ac ar safonau cyflawniad y myfyrwyr ac fe'u cyhoeddir ar fodiwlau'r adrannau ar Blackboard. Mae adroddiadau'r Arholwyr Allanol yn cael eu hystyried gan y Brifysgol, ac mae'r Bwrdd Academaidd yn gyfrifol am oruchwylio'r adroddiadau a'r drefn arholwyr allanol yn ei chyfanrwydd.

Cyhoeddir enwau Arholwyr Allanol yn yr adran 'proffiliau staff' ar dudalennau gwe'r adrannau academaidd. Cyhoeddir Adroddiadau Blynyddol yr Arholwyr Allanol, ynghyd ag ymatebion yr adrannau, ar Blackboard, ac y maent ar gael i fyfyrwyr.

Mae'n rhaid i Arholwyr Allanol fod yn ddi-duedd ar bob achlysur, ac nid ydynt yn gwneud addasiadau dewisol i farciau myfyrwyr unigol. Ni ddylai myfyrwyr gysylltu ag Arholwyr Allanol. Dylid gwneud cais am eglurhad o farc amodol mewn aseiniad trwy drefniadau adborth arferol yr adran academaidd, neu trwy weithdrefnau apelio'r Brifysgol os yw marc terfynol y modiwl wedi ei gadarnhau.

Ymddygiad Academaidd Annerbyniol

Ymddygiad Academaidd Annerbyniol yw cyflawni unrhyw weithred lle gall unigolyn sicrhau mantais na chaniateir iddo ef/iddi hi ei hun neu i rywun arall. Bydd y Rheoliad hwn yn berthnasol, pan ddeallir bod myfyriwr wedi cyflawni Ymddygiad Academaidd Annerbyniol, beth bynnag fo bwriad y myfyriwr a chanlyniad y weithred, a phan fo'r myfyriwr yn gweithredu ar ei ben ei hun neu ar y cyd ag unigolyn arall/unigolion eraill. Gellir cynnwys unrhyw weithredoedd yn y diffiniad hwn, boed hwy'n digwydd yn ystod neu mewn perthynas ag arholiad ffurfiol, darn o waith cwrs, cyflwyno tystiolaeth feddygol neu fel arall i Fyrddau Arholi, neu unrhyw fath ar asesiad a wneir wrth ymgeisio am gymhwyster Prifysgol.

Mae'r Brifysgol yn cydnabod y dosbarthiadau canlynol o Ymddygiad Academaidd Annerbyniol. Nid yw'r rhain yn gynhwysfawr, a gellir cynnwys achosion eraill o fewn i ddiffiniad cyffredinol Ymddygiad Academaidd Annerbyniol.

- **Llên-ladrad:** Diffinnir llên-ladrad fel defnyddio gwaith rhywun arall a dweud mai eich gwaith eich hun ydyw, boed hynny'n fwriadol neu'n anfwriadol. Mae enghreifftiau o lôn-ladrad yn cynnwys:

- Dyfynnu heb ddefnyddio dyfynodau
 - Copïo gwaith rhywun arall
 - Cyfieithu gwaith rhywun arall heb ei gydnabod
 - Aralleirio neu addasu gwaith rhywun arall heb ei gydnabod yn briodol
 - Defnyddio deunydd wedi'i lawrlwytho oddi ar y rhyngwrdd heb ei gydnabod
 - Defnyddio deunydd a gafwyd o gronfeydd traethodau neu asiantaethau tebyg.
 - Cyflwyno gwaith a gynhyrchwyd gan Ddeallusrwydd Artiffisial a dweud mai eich gwaith chi eich hun ydyw.
- **Cydgynllwynio:** Mae cydgynllwynio yn digwydd os yw gwaith a wnaed gan neu gydag eraill yn cael ei gyflwyno fel gwaith un person yn unig.
 - **Ffugio tystiolaeth neu ddata:** Mae ffugio tystiolaeth neu ddata a/neu ddefnyddio tystiolaeth neu ddata o'r fath mewn gwaith a asesir yn cynnwys gwneud honiadau ffug ynghylch cynnal arbrofion, arsylwadau, cyfweiliadau neu fathau eraill ar gasglu a dadansoddi data. Mae ffugio tystiolaeth neu ddata a/neu ddefnyddio tystiolaeth neu ddata hefyd yn cynnwys cyflwyno tystiolaeth ynghylch amgylchiadau arbennig i Fyrddau Arholi neu Baneli Apêl sy'n ffug neu wedi'i ffugio.
 - **Ymddygiad Academaidd Annerbyniol dan amodau arholiad ffurfiol:** cyflwyno deunydd anawdurdodedig; copïo gan, neu gyfathrebu ag, unrhyw unigolyn arall; cyfathrebu'n electronig ag unrhyw unigolyn arall; personadu ymgeisydd arholiad neu ganiatáu i rywun eich personadu; cyflwyno sgrïpt arholiad fel eich gwaith eich hun pan fo'r sgrïpt yn cynnwys deunydd a gynhyrchwyd drwy ddulliau anawdurdodedig.
 - **Ailgylchu data neu destun:** ailgylchu data neu destun mewn mwy nag un aseiniad pan na chaniateir hyn yn glir gan yr adran Yn yr Adran Ieithoedd Modern, ni ddylai unrhyw orgyffwrdd sylweddol o ddeunydd fod rhwng aseiniadau, o fewn ac ar draws modiwlau. I gael rhagor o wybodaeth, cyfeiriwch at y canllawiau a ddarperir ar Blackboard a/neu ar aseiniadau unigol. Siaradwch â chynullydd y modiwl perthnasol os oes gennych unrhyw gwestiynau. Mae'r

Rheoliad llawn ar Ymddygiad Academaidd Annerbyniol ar gael yn rhan B o'r Llawlyfr Ansawdd Academaidd: <https://www.aber.ac.uk/cy/academic-registry/handbook/regulations/uap/> gyda rhagor o wybodaeth yn adran 3.6 o'r Llawlyfr Ansawdd Academaidd: Ymddygiad Academaidd.

Gall canlyniadau penderfyniad bod Ymddygiad Academaidd Annerbyniol fod yn ddifrifol, a gallai hyn effeithio gallu myfyriwr i symud ymlaen i'r flwyddyn nesaf neu gwblhau gradd. Bydd cosbau yn cael eu pennu ar sail system bwyntiau:

<https://www.aber.ac.uk/cy/academic-registry/handbook/taught-schemes/uap-points>

Mae rhagor o wybodaeth ynghylch arfer academaidd da a chyfeirnodï ar gael yma:

<https://www.aber.ac.uk/cy/sgiliauaber/>. Os nad ydych yn siŵr, mae'n rhaid i chi gysylltu â'ch adran academaidd i gael rhagor o arweiniad.

Mae canllawiau (cyflwyniadau ar-lein byr) ar agweddau hanfodol ar ymddygiad academaidd a sgiliau astudio effeithiol ar gael yma: <https://www.aber.ac.uk/cy/student-learning-support/effective-study/>

Canllaw a Chwis Cyfeirnodï ac Ymwybyddiaeth o Lên-ladrad:

<https://libguides.aber.ac.uk/referencing>

Mae'r Canllaw a Chwis yn ymdrin â'r hyn sy'n cael ei gyfrif yn llên-ladrad, y canlyniadau ar ôl darganfod llên-ladrad, ac eglurhad manwl o'r gwahanol arddulliau cyfeirio a ddefnyddir gan holl adrannau addysgu PA. Yn ddelfrydol, byddai myfyrwyr newydd yn cwblhau'r cwis cyn cyflwyno eu haseiniad cyntaf.

Ymarfer academaidd a chymorth astudio

Llyfrgelloedd

Mae dwy lyfrgell sy'n darparu amrywiaeth o fannau astudio hyblyg a chyfrifiaduron ar gyfer grwpiau ac astudiaethau unigol. Mae Llyfrgell Hugh Owen (<https://www.aber.ac.uk/cy/is/library-services/hughowen/>) ar agor 24 awr y dydd yn ystod y tymor. Mae llyfrau a chasgliadau cyfnodolion ar gyfer y dyniaethau, gwyddorau bywyd, gwyddorau cymdeithasol, addysg, milfeyddgaeth, nyrsio, astudiaethau gwledig a phynciau Cymraeg yn cael eu cadw yma. Mae Llyfrgell y Gwyddorau Ffisegol

(<https://www.aber.ac.uk/cy/is/library-services/physicalscience/studyspaces/>) yn darparu llyfrau a chyfnodolion i gefnogi pynciau ffiseg, mathemateg a chyfrifiadureg.

Gellir dod o hyd i oriau agor y llyfrgell yma: <https://www.aber.ac.uk/cy/is/about/opening-hours/>

Cymorth pwnc

Mae staff ymroddedig y llyfrgell yn cynorthwyo eich dysgu a'ch astudio gyda hyfforddiant sgiliau gwybodaeth, cymorth pwnc-benodol, rhestrau darllen ar-lein, a thrwy eich helpu i adnabod a dod o hyd i ffynonellau gwybodaeth ar gyfer eich aseiniad 1af hyd at draethawd hir eich blwyddyn olaf.

Mae casgliadau o gyfnodolion electronig, cronfeydd data ac e-lyfrau ar gael i chi 24/7 ar y campws ac oddi arno drwy Primo, catalog y llyfrgell:

https://primo.aber.ac.uk/discovery/search?vid=44WHELP_ABW:44WHELP_ABW_VU1

Archebwch apwyntiad ar-lein neu wyneb yn wyneb â'ch Llyfrgellydd Pwnc:

<https://www.aber.ac.uk/cy/is/library-services/librarians/>.

Mae cymorth ar gael drwy Teams, sgwrs ar-lein, ebost, ffôn ac wyneb yn wyneb:

<https://www.aber.ac.uk/cy/is/help/contactus/>

Canllawiau astudio a hyfforddiant sgiliau

Canllawiau Llyfrgell (<https://libguides.aber.ac.uk/hafan>) - amrywiaeth o ganllawiau astudio ar adnoddau'r Llyfrgell a sgiliau gwybodaeth sy'n cynnwys:

- Dechrau arni yn y llyfrgell
- Canllawiau Llyfrgell ar gyfer fy mhwnc
- Ymwybyddiaeth ynglŷn â Chyfeirnod a Llên-ladrad
- Hawlfraint
- Cyflogadwyedd
- Darganfod a Rheoli Gwybodaeth ar gyfer eich Traethawd Hir
- Cael yr wybodaeth ddiweddaraf yn eich maes pwnc

- Newyddion a'r Cyfryngau
- Primo: defnyddio catalog y llyfrgell
- Deallusrwydd Artiffisial Cynhyrchiol

Mae sesiynau hyfforddi ar-lein, yn ôl eich cyflymder eich hun ac wyneb yn wyneb ar gael i bob myfyriwr, sy'n ymdrin â sgiliau academaidd, gwybodaeth a digidol

<https://www.aber.ac.uk/cy/is/hyfforddiant/>

Sgiliau ar gyfer Dysgu

Mae SgiliauAber yn adnodd ar-lein helaeth sydd ar gael i holl fyfyrwyr a staff Prifysgol Aberystwyth. Mae'n cynnwys cyngor ac arweiniad ar ystod eang o sgiliau astudio.

Trefnir y cyngor mewn adrannau sy'n ymwneud yn agos ag aseiniadau, arholiadau a mathau eraill o asesu. Darperir y wybodaeth ar lefelau cyffredinol a phynciol ac mae'n cynnwys cyngor a deunyddiau a grëwyd yn y brifysgol ac o fannau eraill. Mae'r cyngor yn cynnwys canllawiau ymarferol ar ysgrifennu academaidd, cyfeirnod, cyflwyniadau, arholiadau ac ystod eang o strategaethau dysgu ac adnoddau astudio. Mae ar gael o brif dudalen Blackboard y Sefydliad, neu'n uniongyrchol o'r tudalennau gwe canlynol:

<https://www.aber.ac.uk/cy/aberskills/>

Sgiliau Digidol

Mae gan fyfyrwyr fynediad at nifer o adnoddau i'w cefnogi i ddatblygu ystod eang o sgiliau digidol. Mae'r Llyfrgell Sgiliau Digidol (<https://www.aber.ac.uk/cy/is/library-services/galluoedd-digidol/datblygueichsgiliaudigidol/llyfrgellsgiliaudigidolmyfyrwyr/>) yn cynnwys chwe chasgliad o adnoddau i helpu myfyrwyr i fanteisio i'r eithaf ar dechnoleg; o feistroli meddalwedd cyfarwydd megis Excel, i ddefnyddio offer digidol ar gyfer lles personol. Mae gan bob myfyriwr fynediad am ddim i LinkedIn Learning

(<https://www.aber.ac.uk/cy/is/library-services/galluoedd-digidol/linkedin-learning/>),

llwyfan dysgu ar-lein gyda thros 16,000 o gyrsiau dan arweiniad arbenigwyr, sy'n eu galluogi i ddatblygu ystod o sgiliau, a bydd y Casgliadau Sgiliau Digidol yn LinkedIn Learning

([https://www.aber.ac.uk/cy/is/library-services/galluoedd-](https://www.aber.ac.uk/cy/is/library-services/galluoedd-digidol/datblygueichsgiliaudigidol/casgliadausgiliaudigidollinkedinlearningmyfyrwyr/)

[digidol/datblygueichsgiliaudigidol/casgliadausgiliaudigidollinkedinlearningmyfyrwyr/](https://www.aber.ac.uk/cy/is/library-services/galluoedd-digidol/datblygueichsgiliaudigidol/casgliadausgiliaudigidollinkedinlearningmyfyrwyr/)) yn

werthfawr i fyfyrwyr sydd â diddordeb arbennig mewn datblygu eu sgiliau digidol.

Cymorth Dysgu i Fyfyrrwyr

Mae Cymorth Dysgu i Fyfyrrwyr yn darparu amrywiaeth o fodiwlau israddedig, cyrsiau ysgrifennu a sgiliau gwybodaeth am ddim i israddedigion ac ôl-raddedigion, ac ymgynghoriadau un-i-un ar gyfer ysgrifennu a chefnogaeth ieithyddol. Mae'r rhain ar gael i holl fyfyrwyr y Brifysgol sy'n astudio ar gyrsiau gradd. Mae rhagor o fanylion ar gael yn: <https://www.aber.ac.uk/cy/student-learning-support/>.

Y Ganolfan Saesneg Ryngwladol

Mae'r Ganolfan Saesneg Ryngwladol yn cynnig cyrsiau drwy gydol y flwyddyn ar gyfer mynediad prifysgol (Tystysgrif Sylfaen Ryngwladol a Chyn-sesiynol). Mae hefyd yn cynnig cyrsiau Saesneg cyffredinol a chyrsiau pwrpasol ar gyfer grwpiau myfyrwyr penodol. Yn ogystal, mae'n darparu modiwlau israddedig mewn Dysgu Saesneg i Siaradwyr Ieithoedd Eraill (TESOL, neu TEFL). Gall myfyrwyr rhyngwladol presennol nad Saesneg yw eu hiaith gyntaf ofyn am apwyntiadau un i un ar gyfer datblygu iaith ac ysgrifennu.

Mae rhagor o fanylion ar gael yn: <https://www.aber.ac.uk/en/international-english/>

Adran E: Rheolau Cynnydd a Chonfensiynau Arholiadau

Rheolau Cynnydd a Chonfensiynau Arholiadau

Defnyddir Confensiynau Arholiadau i bennu a gaiff myfyrwyr symud ymlaen rhwng blynyddoedd astudio ar gyfer gwahanol fathau o ddyfarniadau ac i bennu dosbarth y radd ar ddiwedd cynllun gradd. Dylid darllen y Confensiynau ar y cyd â'r Rheoliad Academaidd ynghylch Cynnydd Academaidd. Gellir dod o hyd iddynt yn adran 4 y Llawlyfr Ansawdd Academaidd <https://www.aber.ac.uk/cy/academic-registry/handbook/exam-conventions/>

Mae'r Llawlyfr Ansawdd Academaidd hefyd yn cynnwys gwybodaeth ynghylch asesiad cynlluniau astudio trwy gwrs, megis amgylchiadau arbennig, arholiadau a'r prosesau marcio.

Gall y Brifysgol ddyfarnu un o'r dyfarniadau ymadael canlynol os yw myfyrwyr heb lwyddo i gael y credydau sy'n ofynnol ar gyfer dyfarnu gradd Baglor gydag anrhydedd. Dyfernir y cymwysterau ymadael hyn heb ddsbarth.

- Y Radd Gyffredin (BA / BSc heb anrhydedd)
- Diploma Addysg Uwch (Dip HE)
- Tystysgrif Addysg Uwch (Cert HE)

Ceir gwybodaeth ychwanegol am ddyfarniad Graddau Cyffredin yn adran 4.6 y Llawlyfr Ansawdd Academaidd.

Beth i'w wneud os aiff pethau o chwith

Ailsefyll

Os ydych yn methu modiwl ac angen ailsefyll, bydd eich adran academaidd yn rhoi gwybod pa elfennau y bydd yn rhaid i chi eu hailsefyll. Fodd bynnag, eich cyfrifoldeb chi yw sicrhau eich bod yn ymwybodol o'r gofynion ailsefyll felly dylech gysylltu â'ch adran i sicrhau bod gennych yr wybodaeth angenrheidiol.

Byddwch yn cael eich cofrestru'n awtomatig ar gyfer ailsefyll. Ceir gwybodaeth bellach ynglŷn â chofrestru i ailsefyll gan y Gofrestrfa Academaidd:

<https://www.aber.ac.uk/cy/academic-registry/students/ug-issues/>

<https://www.aber.ac.uk/cy/academic-registry/students/ug-issues/resits/summer-resit-assessments/>

Ceir manylion ynglŷn â ffurff asesiadau ailsefyll yn y bas data modiwlau:

<http://www.aber.ac.uk/cy/modules/>. Fel arfer, bydd ailsefyll yn golygu ailwneud yr asesiadau (e.e. traethawd, arholiad) a fethwyd ar yr ymgais gyntaf, fodd bynnag nid yw hyn yn wir bob tro. Gwnewch yn siŵr eich bod yn ymwybodol o'ch gofynion ailsefyll trwy ofyn i'ch adran academaidd os ydych chi'n ansicr.

Ceir hyd i'r dyddiadau ar gyfer y cyfnodau asesu ar

<https://www.aber.ac.uk/cy/academic-registry/students/ug-issues/>

Trefn Apeliadau Academaidd i Israddedigion ac Uwchraddedigion a Ddysgir trwy Gwrs

Diffinnir apêl academaidd fel 'cais i adolygu penderfyniad corff academaidd sy'n gyfrifol am wneud penderfyniadau ynglŷn â chynnydd myfyrwyr, asesiadau a dyfarniadau.'

Rhaid i'r apêl fod yn seiliedig ar un neu ragor o'r rhesymau isod er mwyn cael ei hystyried a rhaid darparu tystiolaeth ategol nad oedd ar gael i'w chyflwyno i'r Bwrdd Arholi perthnasol:

- Amgylchiadau esgusodol eithriadol a gafodd effaith andwyol ar berfformiad academaidd y myfyriwr. Lle gallai'r myfyriwr fod wedi rhoi gwybod i'r Bwrdd Arholi am yr amgylchiadau eithriadol cyn iddo gwrdd, ni cheir cyflwyno'r amgylchiadau hynny'n sail dros apelio yn ddiweddarach.
- Diffygion neu afreolaidd-dra yn y ffordd y cynhaliwyd yr asesiadau, neu'r cyfarwyddiadau ysgrifenedig neu'r cyngor yn eu cylch, lle gellir cyflwyno achos i ddangos y gallai diffygion, afreolaidd-dra neu gyngor o'r fath fod wedi cael effaith andwyol ar berfformiad y myfyriwr.
- Tystiolaeth o ragfarn, neu o duedd, neu o asesu annigonol gan un neu ragor o'r arholwyr.

Ni chaiff yr apêl ei hystyried oni all y myfyriwr ddarparu rhesymau da pam na roddwyd gwybod i'r Brifysgol yn gynt am y rhesymau dros apelio a/neu pam na chafodd y Bwrdd Arholi perthnasol wybod amdanynt.

Ni ystyrir apeliadau sy'n amau barn academaidd.

Cyn gwneud apêl, rhaid i chi ddarllen, yn ei chyfanrwydd, y Drefn Apeliadau Academaidd i Israddedigion ac Uwchraddedigion a Ddysgir drwy Gwrs, sydd ar gael yma: <https://www.aber.ac.uk/cy/academic-registry/handbook/appeals/> .

Holwch y Gofrestrfa Academaidd (caostaff@aber.ac.uk) neu Gyngorydd Myfyrwyr yn Undeb y Myfyrwyr (undeb.cyngor@aber.ac.uk) am gyngor ynglŷn â'r weithdrefn hon.

Y Weithdrefn Gwyno i Fyfirwyr

Mae Prifysgol Aberystwyth yn ymrwymedig i sicrhau profiad addysgol o ansawdd uchel i'w holl fyfirwyr, a hynny gyda chefnogaeth gwasanaethau a chyfleusterau academaidd, gweinyddol a lles priodol. Fodd bynnag, efallai y bydd achlysuron pan fydd myfirwyr yn anfodlon ar y gwasanaethau neu'r cyfleusterau dysgu ac addysgu a ddarperir. Cred Prifysgol Aberystwyth y dylai myfirwyr fod â hawl i gael system effeithiol ar gyfer delio â chŵynion ac y dylent deimlo y gallant wneud cwyn, yn sicr eu meddyliau y bydd ymchwiliad teg i'r gŵyn honno. Mae Trefn Gwyno Myfirwyr y Brifysgol ar gael yn:

<https://www.aber.ac.uk/cy/academic-registry/handbook/complaints/>

Adran F: Cymorth Myfirwyr a Gwasanaethau Lles

Canolfan Croesawu Myfirwyr

Mae'r Ganolfan Croesawu Myfirwyr yn siop un stop ar gyfer cyngor a gwybodaeth ar bob math o gymorth. Ein Desg Groesawu yw eich man galw cyntaf am ymholiadau cyffredinol ynghylch y gwasanaethau hyn.

Ceir rhagor o wybodaeth yma: <https://www.aber.ac.uk/cy/student-support/our-services/>

Y Gwasanaeth Cyngor, Gwybodaeth ac Arian

Mae'r Gwasanaeth Cyngor, Gwybodaeth ac Arian yn darparu gwybodaeth, cyngor, cymorth ac atgyfeirio ar amrywiaeth eang o faterion. Os nad ydych chi'n siŵr ble i fynd am gyngor neu gymorth cysylltwch â ni. Does dim problem yn rhy fawr nac yn rhy fach. Mae ein gwasanaeth yn gyfrinachol, heb feirniadaeth, ac am ddim. Mae gennym wasanaeth galw heibio yn ystod yr wythnos (manylion ar y wefan) neu gallwch drefnu apwyntiad gydag Ymgynghorydd Myfirwyr drwy gysylltu â'r Ddesg Croesawu Myfirwyr.

Mae'r ymgynghorwyr myfirwyr wedi'u hachredu gyda Chymdeithas Genedlaethol yr Ymgynghorwyr Arian Myfirwyr (NASMA) ac maen nhw'n gallu cynnig cyngor proffesiynol ar reoli arian neu unrhyw broblemau gyda Chyllid Myfirwyr. Hefyd gallan nhw gynnig cyngor ac arweiniad ar unrhyw ymholiadau'n ymwneud â llety, cynnydd academaidd, gweithdrefnau'r Brifysgol neu gymhwyster ar gyfer cronfeydd caledi.

Y Gwasanaeth Hygyrchedd

Mae'r Brifysgol yn croesawu ceisiadau gan fyfyrwyr anabl a'r rheini sydd ag anawsterau dysgu penodol, gan eu hystyried ar yr un sail academaidd ag ymgeiswyr eraill. Rydym ni'n eich cynghori i ystyried, cyn ymgeisio, y gofynion ar gyfer eich dewis o gwrs, gan nodi unrhyw elfennau a allai beri anhawster penodol. Rydym ni'n argymhell eich bod yn ymweld â champws y Brifysgol a'ch dewis adran i holi am y cymorth a allai fod ar gael, gweld y cyfleusterau a thrafod anghenion penodol.

Mae ein Hymgynghorwyr Hygyrchedd yn hapus i helpu cyn i chi ymgeisio. Mae'n bwysig eich bod yn cysylltu â'ch adran a'n hymgynghorwyr cyn gynted â phosib gan y gallai gymryd peth amser i drefnu addasiadau a chymorth. Rydym ni hefyd yn argymhell eich bod yn cysylltu â'n Hymgynghorwyr Hygyrchedd i drafod asesiad o anghenion astudio a chael cyngor ar grantiau, fel y Lwfans Myfyrwyr Anabl (DSA). Gall ein hymgynghorwyr drefnu gweithwyr cymorth, gan gynnwys er enghraifft cymorth sgiliau astudio un i un a mentora. Gall trefniadau arholi unigol fod ar gael i fyfyrwyr sydd ag amrywiaeth o anawsterau gan gynnwys gwahaniaethau dysgu penodol fel dyslecsia a dyspracsia.

Mae ein Gwasanaeth Hygyrchedd hefyd yn cynorthwyo'r rhai sy'n gadael gofal a gall drefnu cymorth gan fentoriaid cymheiriaid i fyfyrwyr sy'n ei chael yn heriol i ymgartrefu yn y Brifysgol.

Gwasanaethau Lles Myfyrwyr

Mae'r Gwasanaeth Lles Myfyrwyr yn cynnig cyngor ac arweiniad ar amrywiaeth o faterion iechyd, gan gynnwys lles emosiynol a rhywiol, ac mae'n cynnwys cymorth ar gyfer iechyd meddwl a darpariaeth cwnsela. Mae'r Gwasanaeth Lles Myfyrwyr yn ychwanegol i'ch meddyg teulu, ac nid yn lle'r gwasanaeth hwnnw. Er ein bod yn gweithio'n agos gyda meddygon teulu lleol a'r gwasanaethau ysbyty i sicrhau eich bod yn cael gofal da a sylw pan fo angen, mae'n bwysig eich bod yn cofrestru gyda phractis meddyg teulu lleol pan fyddwch yn cyrraedd Aberystwyth.

Yn ogystal â'r gwasanaethau sydd wedi eu lleoli yn y Ganolfan Croesawu Myfyrwyr, mae cymorth hefyd ar gael trwy'r canlynol:

GIG 111 Cymru: <https://111.wales.nhs.uk/contactus/>

MIND Aberystwyth: <https://mindaberystwyth.org/>

Llinell Gymorth Iechyd Meddwl ar gyfer Cymru:

<https://www.callhelpline.org.uk/indexW.php>

Samariaid Cymru: <https://www.samaritans.org/england-cy/samaritans-cymru/>

PAPYRUS: <https://www.papyrus-uk.org/>

Y Swyddfa Denu Myfyrwyr a Datblygu Rhyngwladol

Mae'r Swyddfa Denu Myfyrwyr a Datblygu Rhyngwladol yn cynnig amrywiaeth cynhwysfawr o wasanaethau i fyfyrwyr rhyngwladol o drefnu digwyddiadau croesawu i gyngor arbenigol ar fewnfudo. Ceir rhagor o wybodaeth ar ein tudalennau rhyngwladol <https://www.aber.ac.uk/en/international/>.

Cyngor ar Fisas a Mewnfudo

Gall ein Hymgyngorydd Myfyrwyr Rhyngwladol helpu gyda phob math o geisiadau am fisas astudio, fisas Schengen i'r rheini sy'n teithio i Ewrop yn ogystal â darparu gwybodaeth a chyngor ar faterion mewnfudo eraill. Cysylltwch â immigrationadvice@aber.ac.uk

Wythnos Un Byd

Digwyddiad blynyddol ym Mhrifysgol Aberystwyth yw Wythnos Un Byd sy'n dathlu diwylliant amrywiol ein prifysgol. Mae dathliadau blaenorol wedi cynnwys Noswaith Gala Un Byd, gyda dawnsio a cherddoriaeth draddodiadol, trafodaethau gwleidyddol, prynhawniau ffilm rhyngwladol a Ffair y Byd gyda samplau bwyd a diod o wledydd y myfyrwyr, a bwydlenni traddodiadol a weinir ym mwyty'r Brifysgol, Tamed Da. Digwyddiad dan arweiniad y myfyrwyr yw hwn mewn cydweithrediad ag Undeb y Myfyrwyr ac mae angen eich cyfraniad chi! Cynhelir cyfarfodydd i drefnu Wythnos Un Byd o fis Hydref ymlaen felly dewch i ymuno a gwneud yn siŵr fod pawb yn cael rhannu eich gwlad a'ch diwylliant.

Darpariaeth Halal

Mae ein sefydliadau arlwyo'n cynnig detholiad o fwydydd poeth ac oer sy'n addas ar gyfer diet Halal. Mae'r holl fwyd wedi'i farcio er hwylustod.

Mannau aml-ffydd ac ystafell weddio

Mae man ffydd ar gael i weddio ar Gampws Penglais, yn y Ganolfan Ffydd yng Nghanolfan y Celfyddydau.

Gwasanaeth Cyngor Undeb y Myfyrwyr

Yng Ngwasanaeth Cyngor Undeb y Myfyrwyr ceir cyngor cyfrinachol, annibynnol am ddim i holl fyfyrwyr Aberystwyth. Mae Ymgynghorwyr Undeb y Myfyrwyr yn staff sydd wedi'u hyfforddi ac sy'n gallu eich helpu gydag amrywiaeth o faterion gan arbenigo mewn darparu cyngor a chymorth ar brosesau a gweithdrefnau'r Brifysgol. Gall Ymgynghorwyr Undeb y Myfyrwyr hefyd weithredu fel eiriolwr annibynnol ar eich rhan mewn cyfarfodydd a gwrandawiadau.

Gallwch alw heibio i siarad ag Ymgynghorydd - holwch yn nerbynfa Undeb y Myfyrwyr neu ewch at y swyddfeydd cefn ar y llawr gwaelod neu gallwch gysylltu â ni ar-lein neu drwy ebost: undeb.cyngor@aber.ac.uk . Edrychwch ar <https://www.umaber.co.uk/cyngor/> am ragor o fanylion.

Cymorth Llety

Os ydych chi'n cael unrhyw broblemau yn eich ystafell neu fflat, e.e. rydych wedi cloi'ch hun allan, nid ydych yn teimlo'n dda, mae angen atgyweirio rhywbeth, neu fod gennych broblem â chymydog, mae gennym staff ar gael 24 awr y dydd i'ch helpu. Mae'r Tîm Preswylfeydd yn gyfrifol am yr holl Breswylfeydd, gallwch gysylltu hefyd â'n porthorion cyfeillgar y tu allan i'r oriau swyddfa. Am fwy o wybodaeth, gweler:

<https://www.aber.ac.uk/cy/accommodation/current-students/living-residences/help/>

Cynorthwyyr Preswyl

Mae'ch Cynorthwyydd Preswyl yn gyd-fyfyrwyr sydd yma i roi cymorth ac arweiniad, gan anelu at greu amgylchedd byw a dysgu cadarnhaol ac i feithrin ymdeimlad o gymuned ar draws y Brifysgol. Gall hyn gynnwys cyngor ar ddatrys dadleuon fflatiau, ar sut i guro straen arholiadau, gwybodaeth am ddigwyddiadau, gweithgareddau a digwyddiadau yn yr ardal, neu ble i ddod o hyd i'r cwpan gorau o goffi yn Aber! Os nad ydynt yn gallu helpu, byddant yn eich cyfeirio at rywun sy'n gallu bod o gymorth.

Trwy gydol y flwyddyn, bydd eich tîm Cynorthwyyr Preswyl yn trefnu digwyddiadau preswyl bach yn y manau cymunedol o amgylch eich llety, yn rhoi'r cyfle i chi gwrdd â phobl newydd ac efallai roi cynnig ag rywbeth newydd. Byddant yn galw i mewn i'ch fflat neu dŷ yn rheolaidd i weld eich bod yn iawn, rhoi'r wybodaeth ddiweddaraf i chi ar yr holl ddigwyddiadau a gweithgareddau sy'n digwydd o amgylch y campws ac yn eich llety, a holi a oes gennych unrhyw bryderon lle y gallant helpu.

Ceir rhagor o wybodaeth yma: <https://www.aber.ac.uk/cy/accommodation/current-students/living-residences/res-support/>

Adran G: Gwybodaeth y Brifysgol

Israddedigion

Mae gwybodaeth gynhwysfawr i fyfyrwyr israddedig ar gael yma:

<https://www.aber.ac.uk/cy/academic-registry/students/ug-issues/> ac mae'n cynnwys:

- Gwybodaeth ynghylch Arholiadau ac Aseidiadau
- Gwybodaeth ynghylch Ailsefyll a Ffioedd Ailsefyll
- Gwybodaeth ynghylch Cofrestru
- Cymorth Ariannol
- Rheolau a Rheoliadau
- Llawlyfr Ansawdd Academaidd

Mwynhewch eich amser yn Aber a phob hwyl i chi gyda'ch astudiaethau!